

جذع أثل



ماتدرين..
كنتي ماتدرين..
إني كنت لحظتها حزين!!
يوم جيتي
بكل بياض تحريتك
أنا:
كنت في قلب أحزاني سجين!
ويوم جيتي بكل طاهر مزونك
أنا كنت لحظتها..أخونك..
مع جفاقي..
وجرح في صمطي دفين!!
وانتي كنتي..
تسولفين..
وتسولفين..
كنتي مليانة بهي
وأنا فارغ..
إلا من أوراق صفرا
وجذع "أثل"..مرمي
وحس ليل
وأمة سكين!
وانتي ماتدرين..
كنتي ماتدرين..
كان عطرك يشعل الدنيا حريق
يعيد تجمير الكلام
كان يغزل
من تفاصيل الرغبة..أهات وحمام
وكنت أنا بارد
وشارد
مر عطرك
في يدي برد وسلام!
ماولع ثيابي
ماعلق أهدابي
وأحرمها منام!

ماطير إيديني فراش
وماصلبني
بين جلاله.. والحرام!
تتخيلين...?
مر عطرك
في يدي برد وسلام!
كنت لحظتها هجين
من سراب... وطن
وانتي ماتدرين..
كنتي ماتدرين..
ليلتها كانت ضحكك..
ميننا..وشراع... ونوارس
كانت أحلي من أغاني عرس
ومن نسيم يمر هامس
ضحكك كانت مثل...
وجه شمس ليل دامس
كان لها:
في..
وعصافير..
وعبير..
ومع هذا ماأسحرتني...!
عيت بقلبي تلامس..
أي إحساس وشعور
أو تدون فيني هاجس
كنت لما ابتسم وأجاملك
كان وجهي بداخلي..
قطعه من حنظل..
ويابس!
كان عابس!
وأنا حابس..
في كفوف الصبر حزني

ماأبى تدرين إني
كنت ذيك اللحظة محيط..
منكسر..
مسكين..
وانتي ماتدرين..
ياغيوتي أنا أسف
كنت ذيك الليلة
جاحد..نعمة الوصل وحنانك
وماتيسر من رضاك..
وماك..
وسحر الياسمين..
أنا أسف..
اعتذرلك..
اعتذر لإحساس شوقك..
صبح قلبك..
والعطر..
والتين!
أنا أسف..
كتر
ماقاتني ذاك المسا
من حنانك والحنين
كتر ماغمرني نقص ذاك المسا
نور وسنين
كتر ماخطي عليك
وانتي دايم تغفرين!
كتر ماأبقي غروب بلحظتك
وانتي دوم بلحظتي..
ياالحبيبه
تشرقين...

مسفر الدوسري

حنيت لك

حنيت لك ..
تدري اشكرك؟
كتر الغريب ..
لما يحن لارض الوطن
كتر الحبيب ..
باصدور إحدى الأمهات
لو يبتعد عنه الرضيع
يشتااق ل اشفاته ويحن

كتر اليتيم
اللي فقد امه وابوه
واب فقدهم
ماتت ب ايديته الأميات
ومن كتر ما عاش الشتات
ذبل عوده وانكسر .. مثل الغصن

حنيت لك
كتر الدموع الحايه
اللي مثل غصه اوقفت
ما بين رمشي والجفن

وانت الوطن ..
أقفى وراح
علمني بالله من تروح
كيف أداوي هالجراح
اشلون اعيش اب غربي
اشلون أيدد وحشتي
وأنا حنيتي كالغريب
لما يتوه اب دنيت
لما تخونه خطوته
ويضيع في عتمة طريق
مثل الغريق
ال محتاج يتنفس وطن ..

أنا غريبه اب غيبك
والناس من حولي سراب
متوحشه كل الدروب
وعيووني متروسه ضباب
والروح مرمرها الشجن

حنيت لك
حنيت لك

وما اريد غيرك لي وطن ..

منتهم القرش

الارض بتتكلم شعبي

ياسعد عينك بالطرب بالحمامة
ياللي على خضر الجرايد اتغنين
عزي لعينك وان دري بك سلامه
خلاك مثلي بالحمامة تونين
كسر اعظامي كسر الله اعظامه
شوفي مضارب شوخطه بالحاجين
جانني يقول مزوحينه عمامه
الله يخرب ديرة لاصفر العين
ان كان ودك بالطرب والسلامه
عليك بالفرعة ابلاد الوادعين
تنحري ربيع تفك الجهامه
فكاكه القالات بالعسر واللين
دخيلهم ماأحد على الحق ضامه
لوهو ضعيف الحال مايلحقه دين

مويضي البرازية

